

4. marts 2009

nr. 169

Kalaallit Nunaata imartaani umiartornermi sikunut qinngortaait atorineqarnissaat pillugu teknikkikkut najoqqutassanik nalunaarut.

Imarsiornerup isumannaatsuunissaa pillugu inatsimmi § 1, imm. 3, § 3, § 6 aamma § 32 naapertorlugit, takuuk inatsimmik nalunaarut nr. 903, 12. juli 2007-imeersoq, imarsiornerup isumannaatsuunissaa pillugu inatsisip Kalaallit Nunaanni atuutilerneranik peqqussutikkut nr 882, 25. august 2008-meersukkut atuutilersoq, Kalaallit Nunaanni Namminersornerullutik Oqartussat isumaqatigalugit aamma pisinnaatitsinikkut aalajangersarneqarput:

Atuuffii

§ 1. Najoqqutassaq makkununga atorineqassaaq:

- 1) Danskít kalaallillu umiarsuaanni angallataanniluunniit usisaatini ilaasartaatinilu bruttotonage 150-inik annertunerusumilluunniit angissuseqartuni, kalaallit nunaata imartaani angalasuni.
- 2) Nunani allamiut umiarsuaanni angallataanniluunniit ilaasartaatini bruttotonage 150-inik annertunerusumilluunniit angissuseqartuni Kalaallit Nunaata imartaani, kisarsimaffinni, umiarsualivinni aqusaartakkanilu angalasuni.
- 3) Nunat allamiut umiarsuaanni angallataanniluunniit usisaatini bruttotonage 150-inik annertunerusumilluunniit angissuseqartuni Kalaallit Nunaanni aalajangersimasumik angalasuni.

Nassuiaatit

§ 2. ”Sikunut qinngortaait aalajangerlugu ikkutaq” imatut paasineqassaaq qinngortaait ikkunneqarnermini sammivianit nikisinneqarsinnaanngitsoq.

Imm. 2. Peqqussut nr. 191, 27. maj 1963-imeersoq peqqussutikkut nr. 636, 6. september 1991-imeersukkut allanngortinneqartoq naapertorlugu ”Kalaallit Nunaata imartaata iluani” imatut paasineqassaaq, tassalu aalisarnermut tunngaviusumik killeqarfiup timaa’ tungaaniittoq imartaq.. Aalisarnermut tunngaviusumik killeqarfik danskít pisortatigoortumik nunap assiutaanni takutinneqarpoq.

Imm. 3. Nunap imartaa paasineqassaaq imaq aalisarnermut tunngaviusumik killeqarfimmiit timaani avataanilu 3 sømilinik atitussuseqartumik imaq.

Atortunik piumasagaatit

§ 3. Umiarsuit angallatilluunniit bruttotonnage 150 angissusillit anginerusullu, 500-nilli mikinerusut, aalajangerlugu ikkutamik sikunut qinngortaatinik siuani inissitamik atortuligaassapput.

Imm. 2. Umiarsuit angallatilluunniit 500 taakkualu sinnerlugit bruttotonnagenik angissuseqartut sikunut qinngortaatinik aalajangerlugit ikkutaanik marlunnik atortuligassapput umiarsuup angallatilluunniit siuanut inissitaanik.

Atornerinut piumasagaatit

§ 4. Sikunut qinngortaait aquttarfimmiit isikkivimmut ajoqutaanngitsumik inissinneqassapput ikkutaallutillu.

Imm. 2. Sikunut qinngortaait siumut qaamanermik amitsumik qinngorsinnaassapput imatut sakkortutigisumik suut immamiittut qaamanermik annerpaamik imatut ungasissuseqartut qinngorsinnaassallugit:

- 1) Umiarsuit angallatilluunniit § 3, imm. 1-imi taaneqartut minnerpaamik 500 meterinik imaluunniit tamakkersorlutik ingerlanerminni uninnermi uninnissami tungaanut ingerlaviata minnerpaamik marloriaataanik ungasitsigisumut.
- 2) Umiarsuit angallatilluunniit § 3, imm. 2-mi taaneqartut minnerpaamik 1000 meterinik imaluunniit tamakkersorluni ingerlanerminni uninnermi uninnissami tungaanut ingerlaviata minnerpaamik marloriaataanik ungasitsigisumut.

Imm. 3. Sikunut qinngortaait sila qanorluunniit ikkaluarpat atorsinnaanissaat siunertaralugu makkuninnga atortoqassapput:

- 1) Aquttarfimmiit aqunneqarsinnaassapput
- 2) Qinngortaaitip qinngornera aquttarfimmiit aqunneqarsinnaassaaq,
- 3) Qinngortaaitip ikkitaataata issittumi atorineqarsinnaaneranut illersuutinik, aamma
- 4) Qinngortaaitip puuata ilua isugutaap iminnguunneranik masannaveeqqutinik.

Atorneqarneri

§ 5. Sikunut qinngortaait taartumi angalanermi atorineqassapput sikoqarnera piaartumik takuneqarsinnaaqqullugu. Umiarsuup angallatilluunniit naalagaa naliliippat nittaalaq sialulluunniit

peqqutaalluni qinngortaatiq qinngornera aquttarfimmiit isiginiarnermut ajoqutaasoq, umiarsuup angallatilluunniit naalagaata qinngortaatiq qaminngatinnissaa toqqarsinnaavaa. Taamattoqartillugu umiarsuaq angallalluunniit immikkut mianersortumik ingerlanneqassaaq.

Imm. 2. Umiarsualivimmiinnermi qinngortaatiq qaminngassapput, umiarsualivimmi malittarisassat allamik innersuussinngippata.

Pillaanermut aalajangersakkat

§ 6. §§ 3-miit 5-imut unioqutitsinerit akiliisitaanermik imaluunniit ukioq ataaseq tikillugu sivisussuseqartumik parnaarussaaneermik pillarneqaataassapput.

Imm. 2. Pillaammik parnaarussaaneq ukiut marluk tikillugit sivitsorneqarsinnaavoq,

- 1) unioqutitsineq inuup inuuneranik peqqissusianilluunniit ajoqusiinermik kinguneqarsimappat imaluunniit ulorianartorsiortitsippat,
- 2) assinganik assingusumilluunniit unioqutitsineri siusinnerusukkut inerteqqummik naalakkiummilluunniit pineqaatissiisoqarsimappat,
- 3) unioqutitsinikkut unioqutitsisoq allalluunnit aningaasatigut iluaqutissarsippata iluaqutissarsiniarneqarsimappalluunniit.

Imm. 3. Ingerlatseqatigiiffiit il.il. (inatsisilerinermik suliallit akisussaasut) inatsimmi pillaasarneq pillugu kapitali 5-imi malittarisassat malillugit pillaatissinneqarsinnaapput.

§ 7. Pisimasoq imarsiornermi isumannaatsuuneq pillugu inatsisip Kalaallit Nunaanni atuutileraneramik peqqussummi pineqartunut ilaappat, Kalaallit Nunaanni pinerluttulerinermi inatsit naapertorlugu pineqaatissiisoqarsinnaavoq.

Imm. 2. Pissutsit § 4, imm. 2-mi taaneqartut sakkortunerusumik pineqaatissiinissamut tunngavissatut isigineqassapput.

Imm. 3. Unioqutitsineq ingerlatseqatigiiffimmit assigisaanilluunniit (inatsisilerinermik suliallmmitt akisussaassumit) piliaappat, akisussaassusoq akiliisitaanermik pineqaatissinneqarsinnaavoq. Unioqutitsineq naalagaaffimmit, Kalaallit Nunaanni Namminersornerullutik Oqartussanit, kommunemit, kommunit ataatsimoorussaannit, kommunalbestyrelsit, nunaqarfinni aqutsisut il.il. pillugit inatsisartut inatsisaanni pineqartunut ilaasumit, piliaappat, pisortani oqartussaaffik pineqartoq akiliisinneqarsinnaavoq.

Imm. 4. Pineqartoq Kalaallit Nunaanni najugaqanngippat, imaluunniit inuiaqatigiinnut kalaallinut attaveqarnera imatut aalajangersimasuunnngippat, pineqaatissiinermi pissutsit naatsorsuutigineqartut

atuutinnippata, suliaq aallartinneqarsinnaavoq imaluunniit Danmarkimi
suliarisassanngortinneqarsinnaavoq.

Atuutilerpera

§ 8. najoqqutassiaq atuutilerpoq 15. juni 2009.

Umiartornermut Aqutsisoqarfik, ulloq 4. marts 2009

PER SØNDERSTRUP

/Carsten G. Jensen